

Sel Prestuhn
Henry B. Eyring

Mwet in Kahsruh Se Met ke
Prestuhnsi Se Met



Sucu uh Kuh In Tuhkweni Ne Tok

Kuh luhn pristut in orwacni sucu uh ma pahtpaht pa sie mwe sang yohk luhn God. Mwet nuh kwewa suc etuh ke plwacn in molwelah uh tuhpan mwe insewowo wacngihn sahflahiyac sac. Ke alu ke sil muhkweni orek ke tempuhl akmuhsralah luhn Alu luhn Jisus Kraist luhn Mwet Luhlahlfongi ke Lwen-sahflah pa God El sang olwelah ma sucu uh kuh in tuhkweni nuh sie ne tok.

Ki luhn pristut ma oruh kuh in orek kain inge uh fohlohkihnyuckyak nuh facluh sel mwet pahluh Elijah nuh sel Joseph Smith lun Tempuhl Kirtland. Ki luhn pristut ingacn pahsiyuckme tuhkuh sin mwet pahluh moule ke Alu luhn Jisus Kraist luhn Mwet Luhlahlfongi ke Lwen-sahflah ne mihsenge.

Mwet Lahngo ke luti Lal facluh El sruhmuhn ke kuh in sili sucu uh ke kahs nuh sel Peter, Mwet Sap fuhlwact Lal, ke El fahk, “Ke ma inge nga fahk nu suwos nukwewa: Kutena ma kowos kapriya fin falu, ac fah kapiri pac inkusrao; ac kutena ma kowos tulala faclu, ac fac taltalla pac inkusrao” (Matthew 18:18).

Tohkohsrahi luhn celestial muhkweni pa kuht kuh in suculac muhta ne tok uh. Acn we kuht kuh in suculac muhta ye muhtuhn Pahpah Lucng ac Mwet Lahngo. Mwet Pahluh Joseph Smith el ahkuhtweyac ke puhla wowo sacn ke ohiyac se inge ke Doctrine and Covenants:

Ke Mwet Lahngo lac sikme uh kuht ac liyacl in oacna El. Kuht fah liye lah El mukul se oacna kuht sifacna.

Ac lah kuhtuh ohiyac ma oasr inmahsrosr inge fah oasr inmahsrosr we tuh ac fah wi pac engan ma pahtpaht suc etuh se ma wacngihn sesr ingena (liye D&C 130:1–2).

Ma suhmuhslah se inge fahk lah ke luhlahlfongi kuht kuh in liye nuh ke akwuck fal luhn inkusrao ke kuhpahsr lasr nuh sin sucu lasr uh. Kuht kuh in karihngihn fal mwet ke sucu lasr uh, mwet moule ac misac, in oruh ma nuh kwewa kuht kuh kac in sang akwuck luhn pristut ma fah orekuhtweni nuh inkusrao.

Puhs suwos, mwet fuhsr ac mahtuh, oruh ma ingacn. Kowos suk ke ine luhn mwet mahtuh somlah lowos suc soenna eis ke akwuck ma kuh in sili kowosi nuh sie.

Apkuhran in kowos nuh kwewa oasr sucu moule lowos la suc soenna siliyuck nuh ke sucu ke kuh luhn pristut. Puhs oasr sucu moule lalos suc eis akwuck luhn pristut tuh-sruhk tiac karihngihn olweacng elos orwacnah nuh sin God. God lac ahkinsewowoye kowos tuh kowos in fah kahsruh saplakyang nuh sin sucu an kwewa ke luhlahlfongi. Oasr yuruwos olwelah se ma Leum El oruh nuh sin mwet tuhma lutlut Lal suc som in use mwet sahyac nuh Yohrohl:

Leum El fahk muh ke sie mwet el eis kuht, El ac oasr we pac. El fah fahsrot ye muhtahs, El fah oasr ke lacpoh lacyot ac lacsac lowos, ac Nguhn Lal fah oan insiyacs, ac lihpufacn Lal fah raunikuhtlac, in sruhk kuhtyak (liye D&C 84:88).

Ke winto ke ohfohs luhk ah lwen nuh kwewa nga liye siacnyacn uh petsaciyuck inmahsrlon ros kahto ac ke unohn in kof uh. Mukul sac kwacna sruhkwick us muhtwacn kiyac ah, finne ke kihtin pacl, ke mwet in orek petsac sac ac eis petsac in macruht uh. Pacl nuh kwewa ke nga liye uh, nga nuhkuh ke siacnyacn suc nga tuh etuh suc ke sie pacl ah—kuhtuh pacl uh ke pacl na fototo

tukun lwen in macruht lalos ah—elos usaclos kais sie ke inkacnek sahyac ke moul lalos upaclac ah. Orekma uh kuh in wacngihnlac. Tuhlihk uh kuh in isuslac ke ma upac nuh se. Mas uh kuh in tuhkuh. Na, pahlah se in oruh nuh sin mwet sahyac uh ke kuht ac oruh nuh sesr uh—ke tuh fihsracsr ah—fah oruh kuht in etweyuck yohk ac pweng-pweng ke pacl in srihke ah ke ac upac likina ke kuht nuhnuh kuh kuht kuh nuh kac.

Kuht soemoul sin sucu lasr ke kain kuhpahsr kuht kuh in us nuh ye muhtuhn God. Kuht enenuh in srihke in tiac ahkkolukye kuh inse kolukkihn. Kuht kuh in nuhnuh in sa na nuhna muhna ac nuhna muhna in pwacye. Kuht kuh in srihke in suk engan luhn mwet sahyac liki engan lasr sifacna. Kuht kuh in kuhlwaeng ke sramsram lasr uh. Ke kuht srihke in oruh ma inge nuh kwewa uh, kuht ac suli Nguhn Muhtahl nuh in sucu lasr uh ac nuh in moul lasr uh.

Ahkwacye luhk nuh suwos uh pa lah, ke kahsrh luhn Leum ac ke inse auliyak uh, kuht kuh in eis ke oruh luhn moul se inge uh kain moul se kuht ke eis ne tok uh. Pahpah Lucng El luhngse kuht. El luhngse kuht in fohlohk nuh Yohrohl. Mwet Lahngo, ke kuh luhn Iwacnah Lal, oruh oasr eklac luhn insiyacsr ma kuht enenuh in oruh kuht in kuh in ilyak nuh in tempuhl muhtahl, oruh olweacng kuht kuh in muh karihngihn, ac sie pacl in sifil muhta we yurin sucu ne tok ke wolacna luhn celestial—ke lohm sesr.

LUTI KE PWENG SE INGE

Ke kowos akacsruhi ke mwe luti ke sucu ma pahtpaht uh, nuhnuh ma Elder Richard G. Scott ke U luhn Mwet Sap Singucul Luo el fahk ah: “Suk pacl nuh kwewa in ahkfokokoye sucu uh. Luti ke ararama se ke yohk srihpaciyaen sucu in siliyucki lun tempuhl. . . . Ke oasr yuruwos ararama se ke akwuck luhn sil lun tempuhl uh, kowos ac kahsrh in muhsahi tohkohsrahi luhn God fin facluh” (“I Have Given You an Example,” *Liahona*, Mei 2014, 34). Kowos ac kahsrh fuhkah mwet kowos luti an in ahkyohkye sie ararama ke yohk srihpaciyaen siliyucki lun tempuhl uh? Suli elos suc soenna siliyucki in sramsramkihn mukwikwi elos kuh in oruh nuh ke akwuck sacn. Suli elos suc siliyucki tari in sruh-muhn ohiyac ma elos kuh in karihngihn ararama ke sucu ma pahtpaht lalos ac orekma in ahkwoye kuhpahsr lalos sie sin sie uh.

MWET FUHSR

Kuhpahsr Ma Pahtpaht nuh ke Sucu Luhk uh

Sel Laura Burton

Ke nga tuh nuhtlac ke matwac yac tolu ah, ninac se kiyuck ma osweyuclac ah lwelah nuht sac in oreklac fin pahpah ninac kiyuck ah insese in oruh akwuck luhk ke Alu ah in orwacnah akwuck uh tukun nga sun yac 12. El pahngon nga enenuh in mahtuh fal in sifacna oruh sulaclah, tuhsruh upac na pwacye in tuhpan.

Ahok, upac na pwacye in liye kawuck puhs luhk in pacptaislac ke elos sun yac alkosr ah, tuhsruh ma upac likina pa in etuh lah nga koflah siliyucki nuh sin pahpah ninac nuhtiyuc ah ac tuhlihk mahtuh limekohs wiyuck ah ne ke nga sun yac 12. Nga sahngwengkihn lah oasr sie ma ac sunyuc ac ngwac koflah in siliyucki nuh selos.

Ke ac sun puhtte ahk 12 luhk ah, kuht muhtwacwacack plwacn nuh ke pacptais luhk ah ac sil nuh sin sucu luhk ah. Pahpah ninac kiyuck ah use ngan sulaclah lah tempuhl oyac kuht ac siliyucki kac uh. Nga nuhna nuhnuh kuh muh Tempuhl San Diego California pa kahto emet uh, oruh sucu na fohn se luhk ah insesela in stosah kahsrhsr ne California in sili.

Nga tiac kuh in tuhpan in orwacnah sie sucu ma pahtpaht yurin pahpah ninac ac tuhlihk wiyuck ah. Ke puhlan pacl in sil luhk ah, yohk puhla luhk ke Nguhn oruh upac ngan fahk kac. Inge ke sahflahiyac ah nga siliyucki nuh sin sucu luhk uh, puhla elyah luhk ah ayaollac nuh ke inse wowo ac mihsac, in etuh lah nga inge kuhpahsr nuh selos ne tok.

Mwet sihm sac muhta fin acn Utah, USA.

TUHLIHK SRIHSRIHK

Ngwetlah nuh ke Tempuhl

Prestuhn Eyring el ahkuhtweyac lah ke srihpen pristut, oasr pacl wo lasr in som nuh in tempuhl in siliyucki nuh sie nuh yurin sucu lasr uh ne tok. Srolwacnah kuh sokwack sie petsac ke sie tempuhl kowos luhngse yohk ac fihliyac ke acn se ma kowos ac kuh in liye ke lwen nuh kwewa. Orwacnah sie tahk ke ohiyac kowos ac ahkolah in som nuh ke tempuhl sie lwen.



Luhlahlfongi, Sucu, Kahsruh

Ohiyac Muhtahl luhn Jisus Kraist: Nwacsnwacs

Pruhe in lutlutkihn kuhfa inge ac suk in etuh ma in akacsruhi kac. Etuh ohiyac muhtahl luhn Mwet Lahngo ac ahkyohkye kuh in luhlahlfongi lowos Kacl ac ahkinsewowoye fuhkah mwet kowos liyacacng ke forfor luti uh? Nuh ke kuhtuh pac ma in etuh, som nuh ke reliefsociety.lds.org.

Pa inge ip luhn Pweng ke Forfor Luti na pwacye ke ohiyac luhn Mwet Lahngo.

Sang nwacsnwacs in nahwuh nuhnak lowos an pacl nuh kwewa; na puhla wo lowos an in fokokoi ye muhtuhn God ac mwe luti luhn pristut fah ahknwacsnwacsye nguhnuwos oacna ohu inkuhsrao (Liye D&C 121:45).

Meac nwacsnwacs? Prestuhn James E. Faust (1920–2007) el fahk: “Nwacsnwacs ke ohiyac fohn uh oraclah nohfohn ohiyac luhn suwohswohs ma kahsrwe kuht luhmahlah atacsr.”¹ Prestuhn Gordon B. Hinckley (1910–2008) el laheslah: “Luhngse luhn God pa okan nwacsnwacs nuh kwewa, ke ma wowo nuh kwewa, ke kuh luhn atac nuh kwewa.”²

Ke kuhpahsr inmahsrlon muhtwacn ac nwacsnwacs uh, Elder D. Todd Christofferson ke U luhn Mwet Sap Singucul Luo el fahk: “Muhtwacn uh us tuhkuh yohrohlos sie kain nwacsnwacs nuh facluh, mwe sang muhtahl se ma oruh elos wo na pwacye ke oreyacn kain ma wo inge ma oacna luhlahlfongi, puhlaik, pahkomuhta, ac ahkwoye ke kuhpahsr ac ke facsin uh. . . .

“Tahmtahel, ke wi lowos nuh kwewa, pa kuhpahsr lowos nuh sin God, Pahpah tomowos Inkuhsrao, suc pa kahsruh nuh ke kuh luhn moul lowos, ma kowos enenuh in sang pacl nuh kwewa in ma se emet ke moul lowos an. Esam lah kuh luhn Jisus tuhkuh ke srihpen luhngse Lal nuh ke kena luhn Pahpah. . . . Srihke in oruh kain mwet tuhma lutlut sacn luhn Pahpah ac Wen, ac moklweyuck lowos fah tiac eflah.”³

Ma Suhmuhslah Ituckyang Sahyang

Psalms 24:3–5; Philippi 4:8; 2 Peter 1:3–5; Alma 31:5; D&C 38:23–24

Ke Ma Suhmuhslah uh

Mihsenge, muhtwacn nwacsnwacs, sesseslah ke luhlahlfongi, saplakyang nuh sin Mwet Lahngo. Ke Luke 8 kuht riti ke muhtwacn se suc maskihn muhsen srah la ke yac 12 ma tiac kuh in onweyucklac. El suk onweyack ke el “fahsryak tohkohl [Kraist], ac kahlyac puhluhn nuknuk lal ah: ac in pacl sacna mas luhn muhsen srah lal [tui]. . . . Ac Jisus El fahk, oasr mwet se kahlyucwi: mweyen Nga puhla muh oasr kuh luhk⁴ som likiyu.”

Muhtwacn nwacsnwacs se inge fahsryak rarrar ac puhtati nuh ke nien Jisus, ac fahk “nuh Sel ye muhtuhn mwet nuh kwewa” lah “el kahlilyac” ac “mas lal wacngihnlac in pacl sacna. Ac Jisus El fahk nuh sel, Acn nutik, luhlahlfongi lom ahkkweyekomlac” (liye Luke 8:43–48; liye pac 6:17–19).

Ke kuh nwacsnwacs Lal,⁵ Kraist El kuh in onwelah, lwelah, ahkkweye, ahkwoye, ac engan ke kuht sulaclah ke puhlaik ac luhlahlfongi in saplakyang nuh Sel.

MWE KAHSRUH

1. James E. Faust, “The Virtues of Righteous Daughters of God,” *Liahona*, Mei 2003, 108.
2. Gordon B. Hinckley, “Excerpts from Recent Addresses of President Gordon B. Hinckley,” *Ensign*, Eprel 1996, 73.
3. D. Todd Christofferson, “The Moral Force of Women,” *Liahona*, Nohfuhmpuh 2013, 29, 31.
4. Oasr kuh ke nwacsnwacs (liye Mark 5:30).
5. Lun Mwe Kolyuck ke Ma Suhmuhslah, “Pristut” ahkuhtweyucki ohinge, Suwohs ac kuh ma God El acse nuh sin mukul in mukwikwi ke ma nuh kwewa nuh ke molwelah luhn mwet uh (Liye D&C 50:26–27).

Nuhkuh Ma Inge

Nwacsnwacs uh ahkfokokoye ac ahkkweye kuht fuhkah?